

INUIT ATAQATIGIIT

Inatsisartuni



ulloq 30.Sept. 2025

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Savat savaqqallu toqorartarnerannut sumik patsiseqarnertarnerat pillugu Naalakkersuisut nalunaarusiornerat sumut killippa?**
 - 2. Nalunaarusiap sularineqarnerani pineqartunik tassalu savaatilinnik peqataatitsineq qanoq ingerlanneqarpa?**
- A) Qanoq amerlatigisut peqataatinneqarpat?**

(Inatsisartunut ilaasortaq Mariane Paviassen Jensen, Inuit Ataqatigiit)

Tunngavilersuut:

Ukiaanerani 2022-imi nattoralit amerliartornerisa kingunerisaanik savanik savaqqanillu annaasaqartarnek savaatillit 2022-imi ataatsimeersuarneranni ajornartorsiutut tikkuarneqartoq tunngavigalugu Naalakkersuisut nattoralinnik savaateqarfiusuni kommuni kujallermi kisitsinissaanik siunnersuuteqarpunga. Taamanikkut Naalakkersuisut allannguutissatut siunnersuusiorfigisaannik, savat savaqqallu sunik tunngavilimmik toqorartarnerat tikiingitsoortarnerannillu ilalerlugu kisitsinissamik pineqartut tassalu savaatillit peqatigalugit misissuinissamik kingornalu nalunaarusiornissamik Inatsisartut akuersivugut. Siunnersuullu malillugu upernaakkut 2025-imi nalunaarusiaq saqqummersinneqassasoq aalijangiunneqarluni, upernaak manna nalunaarusiaq saqqummersinneqanngilaq, qinersineq patsisigitinneqarluni, kingusinnerulaakkut saqqummersinneqassasoq nalunaarutigineqarluni, ajorluartumillu maanna 2025-i naajartulerpoq suli nalunaarusiaq saqqummerani, naak kisitsineq misissuinerillu naammassereersimanissaat naatsorsuutigineqarsinnaagaluatoq.

Kissaatigaara apeqquqit ullut qulit qaangiutsinnagit akineqarnissaat.